

Hjortejaktvald 4631v0016 Nordangervågen

c/o Martin Soltveit

Øvre Soltveit 16

5939 Sletta

Soltveit, 18.05.21

Alver kommune v/Laila Bjørge og Mikkel Bengtsson

Postboks 4

5906 Frekhaug

Sak referanse: Vår: 21/4182 - 21/30169

Viser til tidlegare dokument med vedlegg som har vore innsendt frå dette valdet, etter det vart, Alver kommune. Me forutset at dei vert lagde attåt saka. Vårt syn på saka og situasjonen er slik som me har framført i dei. Dette vert difor litt presisering og nyansering etter vårteljinga og den kontakten me har hatt med Anders Hopland i Fjaler etter artikkelen i Norsk Landbruk nr. 7. 2021.

Vårteljinga i år, vart større enn me hadde trudd, trass eit betydeleg uttak i jakta i haust og ein del påkøyrslar. Truleg har me ein stamme på opp mot 300 dyr. Desse kan verta 90 fleire når kalvinga er ferdig. (Naturleg vekst 30%) Det er uforsvarleg stor stamme, på eit areal på 12-13000 daa.

Hopland sa at når det vert så tett med hjort, er det mykje færre som trekkjer ut av området.

Anders Hopland sa: Der er viktig at også viktig at politikarane brukar matematikk.

Nokre prinsipp: 30% auke med naturleg øksling, ein får ikkje reduksjon utan å ta ut 40% av stammen årleg, stammen er ikkje i nedgang før avskytinga er under 70%. Det skal godt gjærast å sjå meir enn halve stammen i vårteljingane. Desse prinsippa har me hovudsakeleg frå vår kontakt med professor Langvatn tidlegare for 20 år sidan.

Anders Hopland sa at for å få til reduksjon må minstearealet ned til det i praksis var fri avskyting. Hå dei var det 200 daa. Og så vart det nytta 50% regelen på det.

Anders Hopland sa at det er mykje lettare å få til slike tiltak no innanfor gjeldande direktiv, enn då han gjorde det for meir enn 10 år sidan. Han nemnde på at han måtte få tillating til å skyta i februar for å får teke ut tilstrekkeleg

Frå folk på Austlandet som me fortel dette til, har me vorte åtvara mot faren for sjukdom. Det finst også sjukdomar som kan gå på andre drøvtyggjarar også. Det er farleg i det som er den mest konsentrerte næringsklyngja for mjølkeproduksjon i Nord- og Midt Hordland. Det er også beiting her av dyr frå bl.a. Hedra som er ein stor besetning i Vestlandssamanheng med opp under 300 storfe. Her har kommunen eit stort ansvar for tiltak før det hender noko gale.

I dette året kan det produserast 1000 tonn med mjølk her. I tillegg haustar dei nemnde samdriftene, grovfôr til eit mjølkekvantum på ytterlegare eit par hundre tonn.

Frå i fjor med påske og fram til komande haust, kjem det til å verta investert 15mill. kroner i

driftsbygningar for storfe i Nordangerkrinsen

Elles kan me nemna skogskadar, skada på gjerde og snaubeiting på eng og beite som er merkbart forverra frå i fjor til i år. Plantar som er planta på store hogstfelt har vorte borte. unge grantre er ringbarka. Lite av skog som er under 50 år, er brukande til anna enn bioenergi. Grunneigarane har brukt store summar på pliktig oppatt planting og det er no fånyttas. Hjorten øydelegg gjerdene meir enn været og våre eigne dyr.

Professor Rolf Langvatn ved dir.for vilt og ferskvannsfisk sa at me måtte skyta igjennom heile stammen når me skulle ha reduksjon. Det viktigaste no i haust, er å koma i gong med reduksjonen av stammen medan det er gjennomfør bart, og at me får det gjort innan ei overkomeleg tid. Som det stod i artikkelen frå Fjaler, truer me at 3 år er lagleg tidsramma for ein slik nedskyting.

Me treng truleg også fleksible jakttider får å gjennomføra dette hjå og no. Me bed om at kommunen ordnar med det.

Når det gjeld å få rett avskyting etter alder og kjønn, så er det noko som me må ta hovudsakeleg, etter at me fyrst har redusert stammen til 1/3 del av det me har no. Då skal me redusera vidare ned til det vedteke bestandsmålet for Radøy, som me held fast på, og som er nivå som me hadde i 1990. Ved den endelege ned justeringa, kan me justera oss inn mot det ideelle kjønns- og alderssamansetjinga. Det vil også hjelpa på, dersom me no får fri avskyting av små dyr.

Det avgjerande i den situasjonen me er her, at Nordangervågen hjortejaktvald, vert skild ut som eiga arealsona. Med den stammen som det ser ut til at me har, er nok eit minsteareal på 200 daa. på sin plass. Det må nyttast 50% regel. Det er og viktig med ordninga med fri avskyting av små dyr.

For oss er desse krava ufråvikelege.

Vonar at politkarane kan setja seg inn i saka vår og alle dokument innsende herifrå, og at dei så tek ansvar, for at det kan påbyrjast ein reduksjon av hjortestammen frå denne hausten av. Dersom det er problem med tidsfristar, så får kommunen ta ansvar for det formelle med det. Dei har fått våre innspel inn for lenge sidan og problemet har som kjent, vore tiltakande i dei siste 5 åra av Radøy kommune.

Minnar og at dette er tiltak som me må få gjæra på vårt private areal, for å kunna driva vår næringsverksemd på forsvarleg vis.

Dersom det er stader der dei synest dei har for lite hjort, vil me minna om tiltaket med viltåkrar. Det er noko som Mikkel Bengtsson har godt greia på. Der bør kommunen oppmuntra til å anleggja slike og tilby den kompetanse som dei no har i Mikkel Bengtsson. Såleis kan fleire få høve til å vera med å hausta av den alt for store hjortestammen som me har i heile landet og på Vestlandet i sær.

Med helsing for Hjortejaktvald 4631v0016 Nordangervågen

Martin Soltveit formann.

Martin Soltveit